

重脩唐山縣志敘

今欲舉百里內之山川風土百  
餘年之變故廢興萃諸簡編瞭  
然指掌豈惟攷獻徵文旁搜遠  
紹云爾哉必將采之極其博擇  
之極其精有徵信無遺漏焉差  
無憾耳周禮史官掌邦國四方

之事達四方之志然則志也者  
將爲史官所采焉可不務乎唐  
雖蕞爾邑然有城社卽有教化  
有士庶卽有賢愚有土地卽有  
物產愒而置之慎已爰攷唐山  
縣志自康熙十九年朱前令諱  
魁鼇者纂脩後迄今將二百年

矣其間時事之變遷民物之衰  
盛滄海桑田不勝俛指初不特  
忠孝節義宦達科名之錯出其  
間者爲實繁有徒也方今

聖天子偃武脩文廣搜典籍

宰輔奉揚休命設志局於省垣俾  
畿輔首善之區志乘燦備凡在下

吏孰不博訪旁求冀土壤蹶涔  
之益雖然脩志難脩志於唐山  
則難之又難蓋志之體例與史  
畧同王文恪公姑蘇志韓五泉  
朝邑志當時猶或譏之况其下  
焉者乎此脩志之難也唐山地  
偏閱時又久無故家大族之家

乘著述可以參証而士之帶經而鋤者又多悃幅無華罔諳掌故其文其獻俱不足徵故乾嘉以前之義夫節婦孝子名賢往往闕焉莫攷蓋欲訪之而遺老盡矣此脩志於唐山所以難之又難也攷之郡志唐山有易庵

文肖岩字于台畫當時號爲三  
絕而節孝志內有許璠之妻蘇  
氏舊志皆遺而不載夫人至采  
入郡志其爲卓卓也可知矣然  
猶且遺之脩志之職敢輕言哉  
脩志者以康對山武功縣志陸  
清獻公靈壽縣志並稱美善武

功縣人物志載后稷唐高祖太宗列女志載姜嫄大姜世推特識此志載周太祖世祖並柴皇后蓋援其例靈壽縣志不登寺院不載坊表不及前人文字之彰著者此志刪舊志寺院門列於村鎮之中坊表亦概從其畧

以抑奔競至所采文字亦必有關於世道人心並足資攷証者方列簡端又於舊志外添列武備一門寓安不忘危之意斟酌損益庶無遺憾至於參互考訂則教諭杜君靄訓導李君飛鳴爲力居多凡十閱月而歲事於



是覽堯山孔崗而景仰篤焉登  
干言崮嶓而疆域正焉誦山樞  
蟋蟀而風俗美焉雖屢遭巨浸  
地多沙壓不無土磽賦重之歎  
然民勞則思善觀夫孝義貞節  
之疊出其間未必非勞之者有  
以勸之也凡邑之人其可以興

感也已爲敘

皇清光緒七年歲次重光大荒落知

唐山縣事蘇玉撰

重脩唐山縣志序

夫社史之宗職方志之始經古  
之作史者類取材於志豈能以  
史職要志職詳乎所以使職要  
罔缺職詳罔濫是貴出以至公  
之心人不外羣萃州雷之倫也

示裁以閔族黨之廷有願忌則  
心不公有護惜以心示公有阿  
曲則心又不公心變不公即廣  
為搜羅詳為討論何以資政鏡  
而備鞫軒耶唐志創於前明萬  
厯間至國朝順治初年陽侯

肆雲民廬學舍鞠為茂草而志  
以散軼至故今所傳者迺康熙  
十二年知縣孫君續重修者內  
有康熙十九年知縣朱君魁鰲  
續補數則迄今幾二百年會邑侯  
蘇君輝山來宰是邑三年中

百廢具興勤勞備至敷教化勸  
農桑民無繁訟囹圄草滿雍  
化洽洵稱上理美又奉憲檄  
修志謀於兩學開局採訪余自  
愧翦陋竊虞蚊負次恐失畧又  
懼失証不敢以一人之詞見約

累十二社之事蹟必彙集社紳  
士之耳目攷據確實庶無遺憾  
阿曲迺披讀舊志缺者補殘者  
綴復增續多條以明沿革因各  
卷十四訂冊八取前志而少事  
更張者一遵去省局之規條也

凡在志局多有採輯之責偶以  
遺濫咎無可援至於斟酌取舍  
於至公之中細加衡鑑余亦惟  
時兢兢焉形志也邑侯蘇君輝  
山總集其成同寅李君在軒邑  
明經賈君序東世襄厥事又得



諸紳士赴局採訪多奏爾能裒  
集成帙褒美勸善以示風化公  
好公論不參私臆至於田賦沿  
革源流曲折莫由改按遺憾良  
多仍俟博物教慎從事八閱月  
而檣成又數月而剗刷畢

唐山縣志  
光緒七年歲在辛巳仲夏中浣  
署唐山縣教諭杜霽謹序

康熙志孫序

嘗聞之志與史相表裏蓋取其可徵可信而已  
顧世遠年湮刪述無以補杞宋之闕而時至事  
起卽綱目仍以續春秋之變昔聖昔賢兢慎乎  
發明緒論闡繹微言其事甯簡毋泛其詞甯朴  
毋華亦期以存吾真弗得罪於天下後世已爾  
邇者宰相陳謨

天子微言凡郡國之史爭相購名山集羣言彙訂鴻  
章以爲

廷獻而吾獨戛戛難之則何也或謂一邑之乘聞見  
易及豈鮮文獻之家博綜之士藏富汲冢腹笥  
萇宏載筆而誌流風遺韻也者然而衆喙爭鳴  
曹可曹否保無競槃悅以貽譏尙雕鏤而失實  
者乎是故蒐之備考參之編年諮之黨吟塾記  
採之斷簡殘編甲爰度則唯唯乙爰辨則否否  
虛衷翁受凡魯魚亥豕力釐正之手拮据而口  
卒瘁厥工心良苦矣粵稽邑之以唐山名前此  
以堯山名爲唐堯之墟無疑也而復引東魏唐

邕撰文惟斯確嶟陶唐采封則其可徵而可信  
者也仲尼周流停轍而崗以孔著無疑也而復  
謁孔璠之墓讀虞集之文則其可徵而可信者  
也唐風敦本無疑也而復引苾泉之詩出宿于  
干飲餞于言則其可徵而可信者也周太祖起  
家郭園無疑也而復考之史書郭公名威邢州  
堯山人則其可徵而可信者也上溯唐堯志雍  
穆也勤儉也孔崗志文物之祖而風教之原也  
衛女思歸志貞孝也周宗崛起志興龍之奧區

而土脈靈秀也唐山其不可及已余庶幾弗得

罪於天下後世矣乎是爲敘  
康熙十二年日

纏析木之次穀旦

賜進士出身文林郎知唐山縣事山左孫纘撰

康熙補修志朱序

先儒云史乃古今一大帳簿因思邑之有志亦類乎是志蓋可忽乎哉凡邑內之山川人物可以昭遠近而垂後世者悉在記載如某也忠某也孝以及夫之義而婦之節者登科甲者若而人恩拔貢者若而人由宦之賢以暨宰之善或因事以人傳或因人以事傳所志者咸本於慎重不苟公諸一時卽垂之奕禩誠以述往彰來立教訓俗關乎世道人心豈淺鮮耶志蓋可忽

乎哉唐山之乘前亦無可細考自予任前命今  
以卓異擢授諫垣孫公諱纘者癸丑年遐採博  
覽較訂彙編志乃燦然大備斑斑可考嗣後缺  
焉尙未補輯釐蓋有志未遑也今

聖天子右文致治車書一統

實錄既經告成明史亦在刊修爰採訪羣書

勅取天下通志而畿輔首善之地纂輯惟先緣奉檄

修補康熙拾壹年以後志詎可漫焉從事哉若

有美不揚則失之漏鮮實過衰則失之浮不可



以訓故兢兢焉慎重而無苟也考訂遍及諸生  
採詢不遺野老名實期於論定臧否不容混淆  
惟冀上關

國計下係民風者書其善傳其蹟蓋以教一邑之  
爲忠爲孝爲義爲節爲賢爲良者俾風移俗易  
化成政美期無負我

皇上勅纂輯廣聲教之盛舉也唐山壤地褊狹土磽  
糧重蓋所稱瘠土之民勞者非耶惟是民勤俗  
儉隱然猶留陶唐氏之遺風焉夫時流行序或

有殊地利豐歉歲或有殊而人事之忠孝節義  
固有合今古而一揆者乎志固不可以忽也而  
修之亦未易易也作其觀感使邑之人前賢是  
式而欣然嚮往豈得有美不揚鮮實過褒乎哉  
皆康熙拾玖年仲秋穀旦

賜進士出身文林郎知唐山縣事浙虞朱魁鼇撰

唐山縣志卷首

凡例

一志者誌其事於冊考得失資觀感搜羅宜廣去取宜嚴故徵文考獻必求信而有據

一志有表有圖表以省紀載之煩圖以徵核訂之實舊圖仍列卷首新增疆域圖星圖卽列各條前以便考稽

一康熙志共分四卷每門冠以小序揭明其旨也茲分十二卷每門細載條目有各爲一序者有

共爲一序者務求豁目醒心若網之在綱轂之統輻

一各類專紀外有附見於後者有分見於前者總期參觀互證得詳畧之宜

一康熙志云舊志板經泚水漫滅霉爛故新舊概不註明茲凡康熙志所有者註明係康熙志新添者列於各條後從郡志查來者註明係郡志庶免淆混

一某類某條之下當有論辨而採取成說者則註

明某書或某人舊志有論辨者則仍註康熙志云云其間附管見者則冠以按字

一舊志山水河道未詳方向引古亦未參合茲載形勢於前附諸說於後並詳明古蹟所在燦若列眉各水必尋源竟委於所過村莊距某村里數一一著明

一從祀

文廟諸賢諸儒學者未克知其里居爵號似非尋常荒陋可比不得不博考詳註俾寒儉少蓄書

卷者便於考覽惟禮儀樂舞祝文及壇廟祭儀  
祭品載在祀典通行者今從陸清獻公志例不  
復贅

一舊志里社祇著社名村名而已今遵畿輔志局  
例按村分社并記各村方向距城里數於每村  
下註明隸某社與地畝戶口有寺觀廟宇者附  
見於下

一陸清獻公志例不載寺觀抑二氏也康熙志列  
寺觀一門碑碣所在古蹟猶存似不必概從刪

削茲將寺觀附載於村鎮中聊俾流傳弗失

一官師人物舊志遺漏凡徵諸碑碣家譜墓誌者悉爲增入至康熙補修之後幾貳百年冊卷霉爛師儒僚屬前賢芳躅幾無存者茲竭力採訪僅能備數非敢畧也

一當康熙修志之時修文偃武物阜民安武備不載固宜然思患預防亦治不忘亂安不忘危之意也茲採訪歷任營汛增武備志以俟考核

一志褒人物子孫表揚其祖宗勢家虛美其先世

往往事蹟偽構質真莫辨而唐山士君子帖然  
不蹈此習猶見風俗之厚採訪有實跡可嘉者  
錄於編

一生不立傳蓋棺論定之義也節婦年分合例一  
律登載不在此例

一唐山地瘠民貧遇公事幾難措手此次修志係  
本縣捐廉僱工構料不擾紳民內有紳士李三  
傑王廷學薛金城曾經出資助工茲亦不拒以成其美

設局閱十月而成稿紳士之終始其事者志行



惇篤各奏爾能均有功於此志

一唐山縣續修志稿係同治十二年知縣續魁教諭程鳳書邑人拔貢生賈天球等彙輯成帙未刻中止幸存案內此次修志各款註明某條係續修稿內錄出

一志成於庚辰之冬校刻於辛巳之夏所有半年來應紀事迹仍依類續入但此事關係重大縱博稽考訪仍多遺漏而咎無可辭後君子匡其不逮則幸甚

唐山縣志歷修姓氏

明

萬曆壬子年創修

唐山縣知縣

鄭宗周

趙鶴年

邑人

國朝

康熙十二年癸丑重修

唐山縣知縣

孫纘

朝城人  
進士

儒學訓導

孟振兆

起順天大興  
宗人教習

原任河南葉縣知縣

張鵬翎

邑人  
拔貢

吏部候選通判

王世儒

癸丑科進士

東啟宗

邑人

舉人

徐景雒

王景韓

拔貢

劉炳

考訂

廩膳生

王恩浩

祝浩

陳培德

王 鑄

採輯

生員

徐 靖

王繼勃

趙連璧

祝 檀

王成鏊

李枝蕃

王穎

王曇

康熙十九年補修姓氏

賜進士出身文林郎知唐山縣事朱魁菴

上虞人

唐山縣志

光緒辛巳重修

新輯姓氏

總裁

特授河間府肅甯縣調補唐山縣知縣蘇

玉

生員滿洲  
正紅旗人

纂輯

署唐山縣教諭杜

靄

廩貢正定府  
元氏縣人

唐山縣訓導李飛鳴

歲貢大名府  
元城縣人

督梓

唐山縣典史沈

沅

吏員浙江  
山陰縣人

分纂

候選州判

賈天球

乙酉拔貢邑人

參訂

兵部武選司筆帖式穆都禮

滿洲人

辛酉科拔貢杜雯

元氏人

較對

廩生張振奎

增生張葆元

採訪

庚午 科舉人 陳陽春

辛酉 科拔貢 王蔭棠

癸酉 科拔貢 李文雄

歲貢生 李丕

試用訓導 廩貢 李升廷

六品銜 附貢 盧鑑

廩生 曹廷獻

廩生 胡元良

廩生 任長祿



廩

生武臨川

廩

生翟金榜

廩

生謝汝春

廩

生羅振五

廩

生郎廷俊

廩

生尚交泰

郡

廩

生呂昭祥

廩

生張霖

廩

生蘭金聲

增

生田秉智

增

生張鳴珂

序班

銜

附

生沙金生

序班

銜

附

生張雲青

增

生李汝玉

增

生常陳夏

附

生李世英

附

生高萬傑

附

生李士清

附

生高振鷺

附

生馬慎思

附

生張清風

武

生王成學

附

生張湧泉

附

生陳三傑

附

生劉芳芝

附

生郭廷翰

附

生侯俊章

增

生孟百川

附

生張晉元

書手

廩

生陳

簡

冀州人

刻工

代刷印

劉學正

冀州人

唐山縣志卷之一

圖考

疆域圖 城池圖 縣衙圖 文廟 儒學  
圖 堯山圖 孔崗圖 宣幣三天閣圖

孫纘曰圖考之來遠矣所以譜道里之遠近形  
勝之險易一開卷而瞭若指掌也間有古蹟盛  
槩昔存今亡滅沒於湮草邱墟間者後之君子  
繙閱左方可以坐馳屬景緬想闕如並可冥遊  
象外矣志圖考



里八十斤


縣城結至西北

界十八里

西至內無縣界二十六里

西南至


里八十三縣加



縣任至

城

池





縣治

文廟

口


城隍祐


預脩倉

卷

學


學






廟

又




圖

之



尚


孔



卷之二

八

圖



唐川系志

六

山


堯






圖


八





圖

之



卷之...

唐山縣志目錄

卷首

序

舊序

凡例

歷修姓氏

新輯姓氏

圖考

卷一 輿地志

疆域

星野

沿革

山川

風俗

物產

卷二 建置志

城池

壇廟

公署官舍

里社 村鎮附

古蹟 八景附

墓道

坊表

封建 附橋梁寨舖

卷三 世紀志

災祥

兵變

卷四 田賦志

土田

戶口

鹽政

賦役

卷五 保息志

倉儲

養濟院

漏澤園

典禮志

朝賀

頒

鞭春

救護

祭祀

邑厲壇

旗纛

鄉飲

賓興

鄉射

鄉約

卷六 學校志

學宮

學額

學田

書院

卷七 官師志

名宦

縣令表

師儒表

僚屬表

卷八 武備志

營汎

郵政

營汎表

卷九 選舉志

進士表

舉人表

貢生表

例仕表 職銜封蔭附

卷十 人物志上

帝王

仕蹟

孝行

學行

義行

隱逸



忠烈

流寓

人物志下

節孝

列女孝附

鄉飲

卷十

藝文志

奏疏

碑記

卷十二

藝文志

著作

詩賦

考辨

藝

卷末

歸餘

碑碣

仙釋

唐山縣志

疆域志

唐之疆域大地拳土耳本以瀉鹵瘠薄之區年  
來水沙汜濫廢爲石田者居十之四而且軍莊  
屯租割裂錯處繡壤無完幅矣司牧者若不軫  
惜而愛養之欲民之安土重遷也得乎志疆域

康熙  
志



西北界州  
鄉十里舖

王村

彭村

西界內邱  
尹村

田村

大髮舖

北屯

西候人

界水入界

內邱

村張

赤城

北村

雙碑

里村

小廟頭

西界內邱  
柯栗舖

崔莊

花木

河馬

西良

周村

高村

東良

西南界至  
內邱縣

河林柳

至此散漫無

村石

西霍村

東霍村

邢村頭店

尹村

內邱  
舊州

縣境內至

自縣治東至本縣東霍村一十里

東南至本縣公子村一十五里

南至本縣南汪店二十五里

西南至本縣邢村三十五里

西至本縣范解舖一十八里

西北至本縣田村二十里

北至本縣楊村一十八里

東北至本縣蘇薛村一十五里

廣二十八里袤四十三里

縣境外至

東至隆平界十里

南至任縣界二十五里

西至內邱縣界二十里

北至柏鄉縣界十八里

東南至隆平縣界二十里

西南至內邱縣界三十八里

西北至臨城縣界十八里

東北至隆平縣界十四里

北至

京師八百五十里

至保定府省城五百里

西南至順德府八十五里

邑當真廣通衢爲南北次  
衢商賈繹絡接遞孔繁



輿地志

星野

昴畢指冀州胃昴畢指全趙以星土辨地保章氏有專職已但唐在趙郡猶彈丸耳分星入度諸家聚訟者幾難詳細言之然五老遊河二使到益善言天者往往奇中唐雖蕞爾休咎祲祥占驗亦司土之責也志星野

昴畢散爲冀分爲趙

春秋元命苞

昴畢冀州

史記天官書

箕尾屬燕昴畢屬趙

漢志

鉅鹿入昴三度

晉天文志

昴七星天之耳目也昴畢間爲天街黃道所經也

隋書

河北道邢洛恩貝冀深趙鎮定及魏相之北境

爲大梁分

唐書地理志

胃昴畢大梁也昴六度鉅鹿之分

唐天文志

胃四度至畢七度大梁之次也北平之正定府昴

畢分定冀二州皆昴分晉深趙皆畢分廣平順德


二府皆昴分

明史天文志

舊志云當古冀州之域分野在昴之次

月

# 昴宿圖



七星一聚實不少阿西月東各一星阿下五黃天  
陰名陰下六鳥芻藁營營南十六天苑形河中六  
星名卷舌舌下黑點天讒星礪石舌旁斜四丁

丹

元子步天歌  
隋時隱者

沿革

邑制之不能無沿革者勢也然時分古今事綜常變其間名實指益代不相襲今日之唐山猶是帝摯之采封也感慨係之矣志沿革

康熙志

唐帝堯受封采地

按漢皇甫謐所撰帝王世紀及城塚記與大輿一統志皆云堯封唐侯所都之地蓋吾李益祭灰畫集亦曰堯所都

夏禹貢爲冀州之域

商祖乙自耿徙居於邢始屬邢

按邢卽今邵城周爲邢國春秋屬衛又屬晉戰國入趙

周成王封周公第四子爲邢侯仍屬邢

春秋襄王十七年衛侯燬滅邢併于衛遂屬衛

二十八年晉文公伐衛取邢又屬晉邑乃爲柏

人

按舊城在縣西十二里今亦城村卽其地舊壘猶存

戰國定王二十六年韓衛趙滅智伯共分晉地乃

屬趙

秦始皇二十五年滅趙置鉅郡遂屬鉅郡

漢因置柏人縣屬趙國

東魏中改柏人爲柏仁孝昌中屬南趙郡中邱縣  
省尋出

按漢書地理志鉅鹿郡柏鄉侯國魏書地形志  
柏仁有柏鄉城卽今縣北界趙州柏鄉縣是也  
隋屬襄國郡

唐初于縣置東龍州

按武德元年於縣置東龍州四年州廢縣屬趙  
州五年還邢州天寶元年改名堯山縣仍屬趙  
州

宋省入內邱尋復

按至元二年併入內邱縣後  
復置屬順德路卽邢州也

金改唐山縣仍屬邢州

元省入內邱屬順德路

明改北平布政司爲京師順德府隸焉仍爲唐山

屬順德

皇清因之

按一統志唐山縣卽古之柏人城帝堯受封在縣  
東北二十二里寰宇記云堯時所置也又云柏鄉



城在唐山縣東北二十二里城家記云堯所築也  
又柏鄉志云柏鄉城堯時所築在今縣治西南十  
七里秦屬鉅鹿郡後漢書不載柏鄉趙國屬有柏  
人後漢之趙國乃邯鄲郡也而鉅鹿郡止載柏鄉  
豈卽柏人也耶晉屬趙郡有柏人無柏鄉隋書趙  
郡有柏鄉邢州有柏人註開皇六年置暄嶓山襄  
國之柏仁有鵲山今暄嶓山在唐山境而鵲山在  
內邱境是隋之柏仁蓋在內邱之東北而柏鄉之  
西南卽今縣西之亦城是也東北西南里數正自

相合其兩縣之均非舊趾明矣唐書趙郡治柏鄉  
邢州鉅鹿郡有堯山註云本柏人武德元年置東  
龍州四年州廢隸趙州五年改歸邢州宋堯山縣  
屬鉅鹿郡柏鄉爲鎮後復爲縣屬慶源府望趙郡  
金史柏鄉屬沃州卽趙州唐山縣仍屬邢州或當  
日之唐山柏鄉俱本柏人而後乃分合無定耶不然  
李德鏡李嗣真皆柏人人也胡爲乎柏鄉亦志之

哉  
邑人張鵬翎識

輿地志

山川

自柏翳著山海嶽瀆兩經志方輿者宗之而量  
高測深則有晉裴秀之禹貢圖其法備矣蓋天  
有雲漢而在天之文章乃著地有山川而在地  
之氣運以興上應天文下區經界山川洵方輿  
之關鍵也我

國家奠久日久百靈效職

詔命有博祭境內山川明重鎮亦以軫民社也顧不

重敷志山川

堯山 康熙志在縣城西北八里堯始封於此  
因以名山有元魏武定三年殘碑所載惟茲  
曠曠陶唐采封八字

按畿輔志唐山縣西北堯山上有堯祠又范石  
湖集雲山下有放勳祠現在堯祠傾圮已久惟  
有宋郝經撰  
堯廟碑尙存

宣霧山 在城北十二里接堯山東麓唐會昌

三年王元逵征劉禎拔宣霧柵又山海經云

邢國有曠曠山

顏氏家訓云世俗或呼爲宣務山或呼爲虛無山莫知所出余嘗爲趙州佐讀柏人城西內碑是漢桓帝時所立銘云有巘嶓山王喬所仙方知此巘務山也巘字無所出俗音當名權務入都爲魏收說之值其爲趙州莊嚴寺碑銘曰權務之精卽用此也又名嶄嶓山

按隋書地理志柏鄉有嶄嶓山一名巘務山卽堯山東麓也寰宇記云宣務山一名虛無山高一千五百五十丈山西三里出文石五色錦章山上有堯祠現五色錦章石猶存

干言山 在縣西北四里山勢延袤數十里接

內邱縣界故按隋書地理志內邱縣亦有干  
言山詩邶風出宿于干飲餞于言註適衛所  
經之地今合爲一山

按王氏應麟曰隋志邢州內邱縣有干言山李  
公緒曰柏人縣有干言山柏人邢州堯山縣現  
兩縣地壤相接而山岡自西南而東北旋起  
旋伏約二三十里故兩縣均有干言山也

夫子山 畿輔志唐山縣西北十里一名孔岡  
相傳孔子停車處

元許衡建書院於此後有聖裔孔璠自曲阜  
徙居因於其岡建奉聖祠祭器多得之土中

畿輔  
舊志

茅山 畿輔志唐山縣東北十五里康熙志在

堯山東北五里山際出茅有刺而三脊故名

按通志草木略云茅之根曰蘭根曰茹根曰地  
筋曰兼杜茅之類甚多惟白茅擅名其苗初出  
地者曰茅鍼爾雅云蔞委葉詩云以媯荼蓼皆  
謂茅鍼也茅之花曰茅秀爾雅葉荈茶是也茅  
山一名旄山上有鳳凰石從山上突起  
約有數十丈大四面峭壁不可攀躋

臥牛山 在旄山西一里形如臥牛故名

按臥牛山南北約數十丈土岡無石相傳岡下  
有石細看山脈亦從西南宣嶠堯山夫子山而  
來直至茅山  
俱是一脈

柳林河 在縣西南三十里自邢村南衛東流

入漳

按漳河自山東邱縣分爲二支一東北入廣平府之威縣一西北入順德府廣宗縣南又北逕平鄉縣東又北逕鉅鹿縣東又北入趙州甯晉縣與滏陽河合而馬河亦入焉

馬河 在縣西南十里勢小於泚而涸溢靡常亦東入於漳昔人見白馬東行次日水潦隨馬蹄奔流而下遂成河故名

畿輔志馬河在內邱縣南卽古龍騰水也源

出內邱龍騰山東流分爲二一東經小馬村



爲小馬河一東南流入唐山至任縣合聖水  
河

寰宇記平鄉縣龍騰水源出龍騰山在縣西  
七十五里

內邱志縣城南十里有河發源龍騰山東流  
經柳林郊臺爲馬河至張沱分爲二其東下  
者爲小馬河經小馬村其南者傍鐵頂墓抵

東

按同治十一年間知縣續魁奉 府札會同委  
員查勘各河道自唐山西界邢村起東至南注

店村止約十八里又自南汪店村至任縣劉家屯交界止約二里許周歷查看邢村無入境河道詢各鄉民久無水患又自唐山尹村迄東至安中村現有行車溝道約深四五尺寬丈餘或七八尺不等又自唐山安中村至黃家營唐家莊一帶既無河形又無溝道約長三里許地勢較高鄉民咸稱夏秋間雨水過大隨流隨洩久無水患察看黃家營迤西俱高版無慮積水自唐山黃家營村迤東至南汪店村約十里現有河形寬七八尺丈餘深五六尺三四尺不等地勢低窪自唐山南汪店村迤東出境入任縣境內劉家屯約半里許地勢低窪繪具圖說稟奉府憲批示自黃家營迤東照向章出夫挑挖寬深並移會任縣亦飭沿河各村照章興挑引入住縣澧河等因經知縣續魁會同委員程令於同治十二年照章挑濬自黃家營迤東至任縣劉家屯迤西與南汪店村交界止計長六里餘統長一千一百丈零八尺照沿河十一村莊舊

章派作十一段督夫挑挖一律通暢閱播稟覆府憲各在案此出挑河稟稿內摘錄

泚水河 康熙志俗名沙河舊在縣西一里許

南流折而東入漳史記韓信斬陳餘於泚水上卽此順治五年戊子泛漲水自城而東南北寬五里許平地水深丈餘成河池俱壞康熙七年戊申又自城北五里而東入白家橋

元和志泚水俗名脂溝又云臨城縣泚水在縣南二里出白土細滑如膏以之濯錦色若

霜雪

方輿紀要臨城縣泚水將至城五里斷伏不流二百餘步復出東流經釣盤山下合沙河俗名三斷綠楊河

畿輔志泚河在內邱縣北自趙州臨城縣流入又東經唐山縣入趙州隆平縣界又云泚河在臨城縣西北二十五里源出本縣敦與山東南流合沙河入順德府內邱縣界又自順德府唐山縣流入隆平縣入滏陽河

山海經敦與之山泚水出於其陰東流注於

彭水

隆平縣志泚水在縣南三十里自順德府唐

山縣入經縣南魏家莊至邢家灣入滏

此就舊河

而言

現移

按畿輔志云泚河有二在元氏者爲北泚在趙州者爲南泚同名而異流近志以二水混而爲一謬謹將北泚附記於此庶免因名誤實云

方輿記要泚冰源出封龍山東南合流入槐

河地名紙屯渡口

一統志槐水亦名泚水卽古沮水也

漢書地理志常山郡元氏縣沮水首受中邱

西山窮泉谷東至堂陽入河

按上三書所載均就北泚而言史記云韓信斬陳餘於泚水上係南泚非北泚蓋南泚源出臨城故臨城治南五里有釣盤山卽陳餘問驚魚入釣盤吾其亡之處後吳清有成安已去三千載泚水依然繞釣盤之句考之史書求諸遺蹟斬陳餘係在南泚並非北泚而舊志載斬陳餘處非傳會

廩生張振奎泚水源委攷

泚水卽古彭水元和志云臨溝康熙志云沙河皆言南泚非源出常山郡封龍山之北泚也按山海經敦與之山泚水出於其陰東流注於彭

六敦與山在臨城界寰宇記云泚水東經百暢  
亭方輿記要云將至城五里斷伏不流二百餘  
步復出東流經鉤盤山山下合沙河俗名三斷  
綠楊河在臨城縣西卽史稱韓信斬陳餘處東  
南入順德府內邱縣界發源自鵲山西南胡姑  
腦由煙南獐磨北至石關會臨城西北諸水東  
下經塞底至內邱北三十里之尹村卽韓信背  
水破楚兵處自內邱張村北迤東入唐山界從  
田村南雙碑北迤東行至亦城村北約十餘里  
又十里經干言村北抵唐山城西轉而南六里  
經尚里村北東南流四里許經里村北流至任  
縣界之魏家莊出境卽舊志云東南至任縣入  
漳者是也此就泚水故道而言順治戊子泛漲  
自城而東寬數里平地水深丈餘城池幾沒康  
熙戊申又漲溢如故泚水舊道盡爲沙壓從城  
西北折三里許東流經山南村南沖一新河東  
流二里許經二播莊中迤而東至官莊村西又  
折而北約里餘分作二河東流入隆平界之臨

家橋下注與老僧河合老僧河源出堯山而下  
流入槐武河直達滏河國初屢經漲溢自改疏  
後水勢少平者亦自有故蓋從前順郡九河之  
水皆匯於大陸澤而九河之外又有泚沛八河  
皆自任之西南西北而歸於大陸而大陸洩水  
之路由任縣東北四十里穆家口洩於隆平名  
曰滏河後此口闕於全泊之水獨特雞爪一河  
宣洩河身淺隘不足以容衆流於是滏陽河水  
反由雞爪而內溢而泚水又爲臨城內邱諸山  
水匯合之流以經山水暴發唐山近河村莊卽  
受其害後自雍正初年興修水利於穆家口故  
道疏濬深廣不使雞爪一河獨受全泊之水由  
是滏陽之襟喉得通大陸之尾閭自快而泚水  
之爲害亦稍息矣此撮舉水經及郡邑諸志畧  
述源委其詳明考覈疏通  
蓄洩事宜仍俟諸利濟者



輿地志

風俗 物產

化行於上爲風化成於下爲俗魯論曰君子之德風漢文紀云望風成俗是也風有美惡俗則隨之此責之在於上者也至高下燥溼水土不齊物類亦因之各別然民風由於教化世俗成於漸摩在上者果能移風易俗民心和洽庶物亦蕃昌矣志風俗志物產

丈夫相聚遊戲悲歌慷慨

見漢志

人性敦厚務在農桑好尚儒術傷於遲重

見隋志

質厚少文氣勇尚義

見宋史地理志

當積安無事之時知有戰守攻掠之備

士崇樸雅不事邊幅民力耕織不矜華侈勤儉

憂思有陶唐之遺風

急公後私矜節尚義燕趙慷慨之氣習猶存

地薄糧重家無蓋藏

冠重加弁尚成人也古禮久廢士大夫家偶有

行者止具牲醴酬祖

婚必親迎喪多儉而不奢

祭以四時皆祭其先於寢室無家廟土作木主  
民祭皆詣墓

正月元旦昧爽起祭天地拜祖先宗族親友更  
相慶賀五日埽堂宇委土戶外謂之送窮先立  
春一日有司鼓樂迎春東郊呈雜伎士女縱觀  
小兒競相嘻戲人日占晴雨十五夜元宵仍祀  
天地祖先然鐙放花炮爲樂徹夜笙歌男女遊  
觀曰走百病

二月二日謂之龍擡頭煎油餅薰蠅兒童郊外  
放紙鳶

清明以柳枝插門戶詣墓祭埽更爲鞦韆之戲  
上巳祓除修禊事

四月八日俗稱浴佛之辰浮屠設水陸大醮供  
佛鄉民走各寺燒香

端午婦人簪艾虎兒童繫綵縷親朋餽角黍

六月六日曬衣

七夕兒女閨中設瓜果穿針乞巧

中元農人掛紙錢田畔謂之掛地頭錢

中秋陳瓜果月餅嘗月交相餽節

重陽用棗蒸麪糕口花糕餽節親友相邀上宜  
嶗山或堯山登高負菊

十月一日各掃墓并製紙衣焚墓間曰送寒衣  
冬至行拜賀禮

臘月八日雜米豆棗果煮粥名曰臘八粥

二十三日設糖果菽草送竈神

除夕祀神及祖先餽節家庭舉宴換春聯貼門

神樹桃符鋪麻積東炭立戶左右曰將軍炭燒  
爆竹飲椒酒徹夜不寐謂之守歲

物產

穀屬

稻

旱稻 二 水稻

黍 職方氏冀州其穀宜黍稷孔子曰黍穀之  
最貴者也爾雅翼黍有黑黍赤黍黏者別名

稊北人謂黃米亦謂之黃糯朱子詩傳秬黑

黍也秠黑黍一桴二米者也靈壽志黍有黏

不黏不黏者飯黍也黏者釀酒之黍也

稷 朱子詩傳稷似黍而小靈壽志黍貴而稷

賤黍早而稷晚

按今黍稷各有早晚之分其粒大小相等

麥 有大小二種夏小正註黍稷自神農以來

有麥則后稷始別識而樹藝之

按今小麥皆年前秋分時播種大麥有二種一名秋子亦年前播種一名草大麥春分播種又有一種類小麥春分播種熟稍遲性黏麩色青遜小麥遠矣名曰春麥

穀 其類最多有黃白黑紅之別其名有一薄

蠶山藥穀一把箭芝麻穀龍爪穀雙底造者皆佳種也其他以百計焉

豆 淮南天文訓北方其地宜菽爾雅翼菽者

衆豆之總名夏小正註實圓色黃有純黑及

青者莢枯乃取子可煮可豉可醬磨之腐醃

之油取用最多有實如腎形者食馬名料豆

秫 其類最多有玉葛秫海中秀六月鮮黑黏

秫鐵杆筵堂籬捶野鵲白帶過關班鳩窩等

名



按今俗呼高粱有紅白二種羣芳譜蜀黍一名高粱一名蜀秫一名蘆稭一名蘆粟一名木稷一名

荻粱  
麻 有黑白二色有胡麻芝麻等名

蕎麥 暑種者曰蕎麥靈壽志唐高承簡以苽爲蕎據爾雅詩傳苽另是一物

蔬屬

白菜 一名菘靈壽志白菜芥蘿葡三種皆名菘晚菘者今之白菜

菠菜 通志草木略云菠薐菜本出頗陵國張

騫帶來語訛爲蒻

芹 一名馬芹一名水英一名楚葵亦作靳爾

雅曰芹楚葵詩曰言采其芹

蒿苳 一名苦苳野生者曰菹苳人家常食者

曰白苳

韭 性溫故謂草鍾乳易稽覽圖云政道得則  
陰物變爲陽物鄭註謂若葱變爲韭是也可  
知葱冷而韭溫然葷臭非養性所宜多食亦

昏神

葱 味辛性冷宜沙此地種植最多

蒜 大名葫小名蒜小蒜一名亂子

蘿蔔 一名來服一名雹葵一名溫菘一名紫

花菘吳名楚菘嶺南名秦菘河朔名蘆菘爾

雅曰葵蘆菘俗呼蘿蔔鎮州者一根可重十

六斤

通志草木略

蔓菁 爾雅春食苗夏食心秋食莖冬食根菜

之最益人者惟此爾多種可備飢歲漢孔明所止輒令兵士種之故一名諸葛菜

芫荽 一名胡荽并州人呼爲香荽爲石勒諱也

莧 一名馬齒莧

芥

茄

茼蒿

碧蓬

瓜屬

玉瓜 甜瓜 東瓜 菜瓜 西瓜 南瓜

北瓜

按南瓜總名倭瓜可爲蔬並可飽貧人以之代飯故俗曰飯瓜詩所謂七月食瓜食我農夫是也其形或長或圓種種不一

果屬

桃 李 杏 梨 柿 棗 梅 葡萄

按葡萄藤生傳自西域史記云大宛以葡萄爲酒張騫使西域得其種而還中國始有花屬

蓮 菊 葵 金盞 玉簪 木槿 刺梅

十樣錦 雞冠 月季 鳳仙 海棠 丁香

牡丹芍藥

按牡丹曰鹿韭曰鼠姑宿枝其花甚麗而種類亦多諸花皆用其名惟牡丹獨言花故謂之花王文人爲之作譜記此不復區別然今人貴牡丹而賤芍藥獨不言牡丹本無名依芍藥得名故其初曰木芍藥古亦無聞至唐始著○通志草木略

木屬

榆 柳 槐 椿 松 柏 楊 桐 夜合

棠 桑

按桑木箕星之精種類不一椹少葉圓大而豐厚者皆魯桑之類宜飼初生之蠶椹多葉少邊有鉅齒者皆荆桑之類宜飼三眠以後之蠶以魯桑條接荆桑身盛茂亦久遠

草屬

繡墩

佛指甲

苜蓿

莎

芳

莠

蒲葦

藥屬

酸棗

車前

益母

瓜萋

香附

蒼耳子

地骨皮

茵陳

扁豆

兔絲子

瓦松

薄荷

荆芥

蟬脫

牽牛

茴香

枸杞

按爾雅云枸杞檉世言有兩種無刺者曰枸杞有刺者曰枸棘又云蓬萊南邱村者高一二丈其根盤結甚固其村之人多壽考南地生者名枸棘有刺延蔓如草萊根曰地骨

禽屬

鷄 鵝 鴨 燕 雀 鴉 鵲 鴿 鴉  
鵲 鷹 黃鸝 啄木 鳩 鳩 蠟 嘴 鴉  
黃雀

獸屬

馬 牛 羊 犬 豕 騾 驢 兔 狼  
狐 貓 鼠 獾

蟲屬

蜜蜂 蚯蚓 蝦蟆 蜥 蜴 蟬 螽斯  
蝙蝠 蛇 蠶



木棉

按木棉以春三月下種既生須一月一嫗至夏生黃花結實及熟時其皮四裂中綻出如縣土人以鐵錠碾去其核取如縣者以木爲弓長約四五尺牽皮絃以彈之令其自細卷爲筒以車紡之自然抽緒如縑絲狀以爲布

落花生 春夏之交種蔓生每花開落從蔓下

生根入地卽長果似豆形因此得名每枚二三豆不等可炒食可作油用其利溥矣

按唐邑地土多被沙壓賦重而民苦之舊志言之詳矣民間每竭終歲力不足以償地賦自咸豐年間有相地之宜倡種落花生者較種五穀得利加倍十數年來無論城鄉凡有沙土地者

均以種植落

花生爲上策

按康德涵作武功志非特產不錄殆倣禹貢良材珍異始紀於篇之意然兩京三都凡於動植飛潛肖翹蠕動必詳列之亦不必各載其所特產也茲仍舊志之所有者錄之可以辨水土之性而占風氣之原且農桑爲衣食之本萬貨皆有利於民生也

三害

見舊志

石田磽瘠唐之幅幘較鄰邑最爲褊小且五山四岡居地之半沃壤殊少而糧盡一例起科全無上中下之分此其爲害者一

河灘沙壓嘉隆之前抵河尙稱安流自隆慶迄

今陽侯肆虐水溢堤崩附城田園十數里盡爲沙積夫以數金一畝之地而俱成不毛雖曰除糧生植無資矣此其爲害者二

衝要重役唐之南馬騾頭站銀及一切人役旣充中丘驛矣經過官司又以爲眞廣捷徑趨便者絡繹不絕冗費甚多無驛名而有驛實號曰小衝要其爲害者三

孫志曰三害者載之舊志已然矣唐邑版築斗城南北僅建二門城內居民數不滿百附郭膏田半淪沙積凡境內殷陳之處則軍莊屯所也順治十六年奉

旨歸縣丁田俱入賦役康熙四年屯民矯健復奉  
部文奪歸眞定衛分合之際綽有弱肉強食之  
慘嗟嗟唐民既苦枵腹  
又抱沈疴三害云爾哉